



21. januar 2014

Inatsisartut Suleriaasianni § 37 naapertorlugu Naalackersuisunut apeqqutit imaattut matumuuna saqqummiuppakka:

**Naalackersuisunut apeqqutit atuarsinnaanermut allassinnaanermullu sanngiitsunut suliniutit pillugit:**

- 1. Naalackersuisut ilisimanerlugu agguaqatigiisillugu meeqqat qanoq amerlatigisut naqinnernik takunnissinnaannginersut imaluunniit allatigut atuarsinnaanermut allassinnaanermullu sanngiitsuusarnersut meeqqat atuarfiata qimannerani?**
- 2. Naalackersuisut qanoq iliuseqarniarpat qulakkeerumallugu naqinnernik takunnissinnaanngitsut sapinngisamik siusinnerpaamik paasineqartarnissaat anguniarlugu taamaasillutik meeqqat atuarfii periarfissaqalerniassammata atuartut ataasiakkaat pisariaqartitsisut ikiornissaannut?**
- 3. Naalackersuisut suliniutit suut aallartinniarpaat innuttaasut naqinnernik takunnissinnaannginnertik imaluunniit allamik arlaannik pissuteqarlutik atuarsinnaanermut allassinnaanermullu sanngiitsut inuussutissarsiutigiligassaminnik ilinnialernissaminnut ajornartorsiuteqartut ikiorniarlugit?**
- 4. Naalackersuisut ilisimanerlugu inuiaqatigiinni inersimasut qassit naqinnernik takunnissinnaanngitsut imaluunniit atuarsinnaanermut allassinnaanermulluunniit saanngiiffeqartut qassiunersut aamma Naalackersuisut suliniutinik sunik aallartitsiniarpaat innuttaasut taamaattut ikiorniarlugit?**

(Inatsisartunut ilaasortaq Andreas Uldum, Demokraatit)

**Tunngavilersuut:**

Meeqqat atuarfiat pillugu peqqussut naapertorlugu meeqqat atuarfianni atuartitsineq nikerartumik ingerlanneqartussaavoq atuartut ataasiakkaat pisariaqartitaannut piginnaasaannullu naleqqussarlugu.

Tamanna tunngavigalugu Demokraatini isumaqarpugut, pingaaruteqartoq meeqqat atuarsinnaanermut allassinnaanermullul ajornartorsiuteqartut immikkut atuartinneqarnissaannut imaluunniit allaanerumik immikkut atuartinneqarnissaannut sapinngisaik siusinnerpaamik neqeroorfigineqartarnissaat taamaasiornikkut ikinngitimittulli allatulli kingorna ilinniarnissaminnut periarfissaat qaffassarumallugit.

Allatut oqaatigalugu pingaarutilerujussuuvoq naqinnernik takunnissinnaanngitsut paasiaartarnissaat. Aammali pingaaruteqarpoq innuttaasut taamaattut ullumikkut inersimasunngorsimasut sulilu atuarsinnaanikkut aamma/ imaluunniit allassinnaanikkut ajornartorsiuteqartut ikiortarnissaat eqqaamassagatsigu

Inuit taamaattut atorfippaalussuarnut mattunneqartarput ajornartorsiuteqarnertik pissutigalugu. Demokraatini isumaqarpugut inuit tamaattut annertuumik iluaqutissarsivigineqarsinnaasut taamaattumillu



DEMOKRAATIT  
DEMOKRATERNE

inuaqatigiit pikkorinnerulertariaqarpugut, eqqortumik ikiornissaat ilitersornsisaallu neqeroorutigisarlugit.

Inunnut ataasiakkaanut inuaqatigiinnullu tamanut pingaarluinnarpoq sapinngisamik amerlanerpaat inuutissarsiutigiligassaminnik ilinniarnissaat taamaattumik pingaaruteqarpoq innuttaasut atuarsinnaanikkut ajornartorsiuteqartut eqqortumik ikiorneqarnissaat piginnaanngorsarniarlugit.

Apeqqutit akeqquneqarput ullut suliffiit nalignnaat qulit iluanni.